



**Ineqarnermut Attaveqaqatigiinnermullu
Naalakkersuisoq
/Maani**

Ulloq: 06. september 2020

J.nr.: 01.31.05-00086

**Aningaasaqarnermut Akileraartarnermullu Ataatsimiititaliami ataasinngornermi ulloq
9. septembari 2020, nal. 10.00-11.00 ataatsimiittarfik Erling Høeghimi siunersiuinermit
aggeqqusissut.**

- Matumuuna Inatsisartut suleriaasianni § 19 naapertorlugu Ineqarnermut Attaveqaqatigiinnermullu Naalakkersuisoq mittarfiliortiterneri killiffik pillugu siunersiuinermit aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Apeqqut 1:

- Ernumanangitsuunnigilaq KAIR-imiit aallaqqaammulli siunertaasimappat Munckikullu oqarfigineqarsimappata, Inatsisartut sinaakutissatut aalajangeriigaasa iluanni neqeruussasoq, piffissallu ingerlanerani akisunerulissappat immikkut aningaasaliisoqarnissaa periarfissatut isigineqarsimalluni. Tamanna aallaqqaataaniilli pisimava?

Apeqqut 2:

- Mittarfiliortiternerit qanoq killiffeqarpat sanaartorerillu qanoq siuariartorpat. Qanoq coronap ajornartorsiortitsineranik suliaq atlantiku qulaallugu timmisartuussinermit mittarfissanik sanaartornermit sunniuteqarsimava. Naalakkersuisut isumaat malillugu ulorianaateqarsinnaasut suut immikkut maluginiagassaappat. Aningaasaqarniarneq eqqarsaatigalugu ajornerpaamik qanoq inissittoqarsinnaava kiisalu allatut pilersaarutaasinnaasunik il.il. piareersimasuuteqartoqarpa?

Apeqqut 3:

Nummi Ilulissanilu mittarfissanut aningaasartuutit amerlipiluussagaluarpata danskit naalagaaffiannit saniatigut aningaasaleeqqittoqarsinnaanera Naalakkersuisunit isumaliutigineqarsimava? Missingersuutit annertusissappata, tamanna 33 %-imik aningaasaliissuteqarnermit tassunga saniatigut piumasaqaateqarnissap pisariaqalerneranik nassataqassanngila?

Apeqqut 4:

Qaqortumi mittarfissaq qanoq akeqassava? Qaqortumi mittarfissap sananeqarnissaa qanoq Naalakkersuisunit qulakkeerniarneqarpa?

Apeqqut 5:

Mittarfiliortiternerit pilersaarutaasut naapertorlugit naammassineqarnissaat Naalakkersuisunit naatsorsuutigineqarpa?

Taamaattoqanngippat suliniut akisunerulissava, kikkullu tamatuminnga akiliissappat? Coronap nunarsuarmit tamarmi aningaasaqarnikkut pitsaanngitsumik sunniutai, ukiunilu tulliuuttuni atuutiinnartussatut naatsorsuutigineqartut mittarfiliortiternerit pillugit aalajangernermik isumaliutiginneqqinnissamik pisariaqalersitsinngillat?

Apeqquut 6:

Sanaartortut kinguaattoormermik akiliumajunnaassappata tamannalu pillugu KAIR-imik eqqartuussivilersuussillutik, tamanna piginneqataasunut qanoq kinguneqassava?

- Taamak pisoqarsinnaanera sillimaffigineqartariaqarmat – tamanna aamma aningaasaqarnikkut.

Apeqquut 7:

Kinguaattoorneq nassuerutigalugu, inatsimmut mittarfiliortiternernut sinaakkusiisumut allannguutissatut siunnersuuteqarsinnaaneq Naalakkersuisunit isumaliutigineqarsimava?

Apeqquut 8:

Kinguaattoorneq qanoq akeqassanganneqarpa? 800 mio. kr.-it tusagassiorfitsigut (sermitsiakut) tagginneqartut ilumoortuunersut tusassallugu innuttaasunit pisariaqartinneqarpoq. Sermitsiami saqqummiunneqartut ilumoorpat?

Apeqquut 9:

Maanna killiffimmi sanaartormermut piffissalersuineq kiisalu suliniutip akia pillugit KAIR-ip kiisalu MUNCK-ikkut akornanni isumaqatigiinngittoqarpa?

Apeqquut 10:

Kinguaattoorneq aningaasaqarnikkut annertuumik kingunerlutsitsissagaluarpata ataatsikkut mittarfiliortiternerit nalilersuiffiqeqqinnissaat Naalakkersuisunit isumaliutigineqarpa?

Apeqquut 11:

Kinguaattoorneq mittarfiliortitsinerillu ataatsikkut ingerlatiinnarumallugit aningaasanik nunanut allanut attartornissamik naalakkersuisut eqqarsaateqarunik, qaqugu tamanna inatsisartunut saqqummiutissamaarpat?

Apeqquut 12:

Mittarfiliortiternernut atatillugu kommunitut isumaqatigiissutit malinneqarpat? Mittarfiit tungaannut aqquuserngiornerit matumani pineqarput.

Apeqquut 13:

Qaqortumi mittarfissamut tunngatillugu naalakkersuisut allatut eqqarsaateqarpat? (Nuummi Ilulissanilu mittarfiliortiternerit assigalugit nunanit allaneersunik/soqutigisaqatigiinnik aningaasaliisoqarluni imaluunniit tapiissuteqartussarluni).

Apeqquut 14:

Mittarfiliortiternerit pillugit Inatsisartut novembari 2018-imi isumminnginneranni Naalakkersuisut Kalaallit Airportilu aalajangernissamut tunngavissiamik Inatsisartunut ilaasortanut saqqummiussippat.

Aalajangernissamut tunngavissiaq, misissuinernik imaqartoq mittarfinnut aktiaateqarluni ingerlatseqatigiiffimmit pilersinneqartussanut ingerlanneqartussanullu kiisalu (Qaqortumi) mittarfissamut nunatta karsianit aningaasalersorneqartussamut tunngassuteqarpoq.

Aalajangernerup kingorna piffissaq taama sivikitsigisoq ingerlareersoq susoqarsimava, aningaasartuutissatut naatsorsuutigisanik sinaakkusiissanillu taama annertutigisumik nikingasoortitsisumik?

Tunngavissiat Inatsisartunut saqqummiunneqartut aallaqqaataaniilli piviusorsioortuusimappat?

Siunnersuinerimi malitsitut apeqquuteqartoqarsinnaanera naatsorsuutigineqassaaq.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriarinerit anguniakkallu pillugit naalakkersuineranut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua ukununnga nassinneqarnissaa qinnutigineqarpoq: saam@ina.gl aamma lekn@inatsisartut.gl. Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanun ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua